

Ripoti o le Vaiaso:

Talosia faiva o faia'oga e le mamalu lautele: vaai a Niu Sila i le galuega faafaia'oga

O le a se vaai a Niu Sila i le galuega a faia'oga i lenei vaitau o le soifuaga? O le autu lea o se sailiga sa faia.

I faaiuga o lenei sailiga na laualuga ai le manatu popole pe o faapefea ona tali atu faia'oga i mana'oga o le faiva. O se popolega e atagia ai le manatu atu i le aufaigaluega ona o le vao luitau o loo feagai ma latou.

E valu mai le sefulu (78 pasene) o tagatanuu Niu Sila e manatu ua aga'i ina faigata le faatinoga o le faiva faafaia'oga, e faatusatusa lea i le 10 tausaga ua mavae. Ae lata i le 50 pasene e talitonu e le mafai ona latou faia le galuega e fua i fita o loo fesagai ma e o loo galulue.

O se tasi lea faaiuga na aliali mai i le sailiga o finagalo o le mamalu lautele, e tusa i sa latou vaai i lenei faiva.

O le faigata ma le fita o le fe'au o loo faaopoopoina pea a o tala le va i tu ma faiga mai ananafi, ma auala fou o loo ua suia ai na faiga.

E le fuatasi i se vaega, e tutusa le faigata i le tapulaa faamasani e aulia vasega matutua, o so latou lagona lea.

Ui i lea e le o toesea ai le maualuga o le vaai a le toatele o le atunuu i le taua o le faiva.

Tusa ma le 75 pasene o Niu Sila e 'au i le taofi, o le faia'oga e sili atu lona taua i o latou olaga, ia i latou i fafo atu o le li'o o le aiga.

Mo se faata'ita'iga, e 4 mai le 10 tagata e manatu na iloga le tata'i a le faia'oga i le faiga o a latou filifiliga mo ni galuega i le lumanai. E to'atele latou te faailoaina le sao a o latou faia'oga, o ni e sa faagaeeina i latou e faia ni faaiuga lelei. O ia faaiuga na mafua ai ona maua le manuia o iai nei.

E to'atele foi latou te 'au i le taofi e le o lava le lagolago mo faia'oga mai le malo, ae faapena foi le atunuu lautele. E lata i le 50 pasene e manatu faapea, e le o



Faaloaloga faia'oga o ananafi (1967), tumau pea sea lagona i matua mo le faiva i nei aso

lava le lagolago mo faia'oga i le tulaga o loo iai nei. E le mafai foi ona latou faia le galuega a faia'oga o loo fai nei.

I le taimi nei ua fai e le faia'oga le galuega a le faifeau toe fai lana galuega o le faia'oga. Ae le na o le faia'oga i le potua'oga, e iai foi ma isi tiute faaopoopo.

O se tasi o faitioga a faia'oga o loo faaleoina pea i tausaga uma o le tele o galuega pepa ua faoina o latou taimi. Ua alu uma ai o latou malosi ae tuu le fe'au taua o le a'oa'o o le fanau. Faaopoopo i ai le vao suiga e mafua mai i faiga fou ua se'e iai faatinoga o galuega i nei aso.

O iai foi se popolega i nisi matua o le tauau e ama a'oga i le a'oa'oina o mataupu faavae—le Igilisi, Numera ma Mea tau le Nu (social Studies), a o aga'i ina ave le faataua i le Tekonolosi e le tele o a'oga.

E faafetaia e nisi taiulu o A'oga sea faailoaga o le faiva mai le mamalu lautele. Saunoa Dr Wilson o le Iunivesite a Aukilani, o se mea lelei tele le silafia e le atunuu o le faigata ma le lavelave o le tofi ma lona faatinoga.

E tusa ma se 34,000 le aofa'i o faia'oga i le Tulagalua. Totogi \$46,000-\$72,000 i le tausaga. E lata i se 26,000 le aofa'i o faia'oga i le tapulaa maualuga (kolisi). E \$48,000-\$72,000 le totogi i le tausaga.

I le taimi nei o loo ua faatuai le mana'oga mo faia'oga ona ua to'atele e iu mai a ua le lava avanoa. Ae mautinoa le mana'omia tele o faia'oga i'u a Niu Sila mai isi atunuu. E atagia ai le maualuga o le vaai mai a isi malo ia Niu Sila ma ana auala o a'oa'oga.

Peita'i o le a iai se suiga i le isi 5 tausaga, e sii maualuga ai le aofa'i o fanau a'o'oga.

OTOOTOGA

Taua le poto e faasoa tupe

E taua tele se a'oga i le tupe ma lona faaaogaina tatau e le fanau. O le sini lea o le fe'au mo lenei vaiaso, lea ua ave ai le taula'iga i agavaa tautupe mo fanau a'oga a le atunuu.

O se tasi o tomali aupito moomia e tagata taito'atasi o le poto lea e faasoasoa tupe na te maua.

E manatu i latou o loo faamaopoopoina lenei taumafaiga, e taua tele le vave a'oa'o o le fanau i lenei tomali taua, ma e lelei ona vave amata mai i le taimi e ulufale ai le fanau i le a'oga.

O le poto e faasoasoa tupe e faavae i se malamalamaga lelei i lona taua ma auala e faasaoa ai. Aemaise foi o le alofia ai o mailei, e mafua ai ona nofo aitalafu fanau i faletupe ma aafia ai i le tulafono.

Faatetele osofaiga i faia'oga

E 2375 le aofa'i o ni mataupu na tutupu i a'oga a le atunuu i le 2014, na osofa'ia ai faia'oga e fanau a'oga.

O isi osofa'iga na manunu'a ai le aufaigaluega, a o le tele o ni upu e lafo, ma faapea ona taofia ai nisi fanau mai le a'oga mo ni taimi faatulagaina. O le to'atele o le aufaasala e i le va o le 13 i le 15 tausaga, e 837 ni mea na tutupu e aafia ai i latou. E 379 ni mataupu na tula'i mai i le 2014 na faaoolima ai tamaiti a'oga i faia'oga. O e na molia e mai le 5 i le 12 tausaga le matutua.

E 300 le aofa'i o i latou na tutuli faaletumau mai a'oga i le 2014.

Ua fa'aalia se popolega malosi i faia'oga o le aga'i atu o nisi fanau e fai nei osofa'iga, e fa'aaoga ai le Facebook ma sooatulau taatele i nei vaitau.

*Faasoa o le Vaiaaso:***Lipoti o le tulaga o aia tatau a tagata Samoa**

Ua folasia le lipoti o le tulaga o aia tatau a tagata soifua a le Ofisa o Komesina o Sulufaiga ma Aia Tatau.

E faatatau tonu le lipoti i le tulaga o Samoa lava ia ma ona tagatanuu o loo aumau ai, e le faitaulia ai Samoa i vasā, o i latou ua noatia i tulafono a na foi malo o loo ua faimalo ai.

E ono tupu se manatu pe se autu lenei o se faasoa o se puletini Niu Sila e talanoa i ai. O le tali faigofie, o lea lava. Auā e tasi le faasinomaga, e tasi le tu ma le aga, ui ina eseese nofoaga, ona o sailiga manuia mo aiga ma nuu o loo tapua'i mai.

E moni le Komesina o Sulufaiga, e laga mai nei e le Malo Aufaatasi le mataupu, a ua leva lava ona faailoa e le aganuu tulaga mamalu o le Tagata soifua. Mamalu o itupa taitasi e ala i ana taofi tauave ma silisili, e aofia ai le fa'aaloalo, feavata'i, alofa i e puapuagatia ma le lotofaamagalo.

A o lona taua o lenei lipoti, o le a mafai ai ona toe tilotilo toto'a Samoa i le moni o na mau tauave. Pe mata o loo ogatusa le futia ma le umele i le mea e taulagi ma le olaga moni o loo soifua ai le atunuu i nei aso.

Ae sili le taua ona o le taula'iga o le vaai i itupa poo vasega o tagata o loo aafiagofie (poo na e sili ona fesaga'i ma faiga le tonu i soo se mafutaga—nuu ma malo foi). E iai le itupa o tina ma tamaitai, tamaiti, tagata e iai mana'oga faapitoa, ae faapea foi pagota a se malo.

I le fatu o le lipoti le mataupu i le faia a le Aganuu Samoa ma Aia Tatau Faavae a le Tagata Soifua.

E telē le faia pe a manatu i le amana'ia o tagata e le Aganuu e pei ona uluai ta'ua, e ala i mea taua na te faasili. Peitai e foliga mai o loo faaluafesasi manatu ona o le upu aia tatau ma lona faauigaga. E 69 pasene e manatu o iai le feteena'iga i le va o itu e lua. E iai le taofi i nisi o le aia tatau ua faatu mai, e pule ai lava le tagata i lona saolotoga. Ae manatu foi isi o iai nisi vaega o le Aganuu e iloga le solitu i aia tatau

a i latou e aafiagofie. Ua ave sese foi e nisi le upu pule e foliga mai ai o le matai poo le fono poo le ta'ita'iga e aiaina aia tatau a i latou uma i lalo o lana vaaiga.

O le fautuaga a le Lipoti, e tatau ona matua amana'ia aia tatau a le sui poo tagata taito'atasi e le Aganuu, ina ia aoga pea le aganuu o se faiga e malu uma ai tagata o le atunuu.

O le valaau mo le amana'ia o tina e le o se valaau e fou nei. Ui lava ina tele pelega o tina i upu ae le o atagia lea i le soifuaga masani. E molimau faamau a leoleo o sauaga faasaga ia i latou o loo faateteleina pea i tausaga uma.

E tuua'iina talitonuga ma taofi tuai e faasino ese ai tina i nofotane ma faalagiga faapena; le manatu e pule le tamaloa i lona to'alua ma le fanau. Le fa'aaoga sese o le Tusi Paia e lagolago ai le pule faitalia a tane i luga o fafine, avea lea ma faanoi o le sauā.

E moni lava le fefefe o nisi o tina sa faatalanoaina i lenei lipoti; ua ta'u le upu 'fasioti' e nisi tina ia latou ta'utinoga, e ta'u mai ai le tuga o le faafitauli i Samoa i se vaaiga lautele. Fai mai se molimau tusia a se tasi tina, "Sa ou fefe auā a iloa sa ou lipotia lona faaoolima ia te a'u, lona uiga e fasioti a'u."

O upu lava na tatou te faalogo ai foi i ta'utinoga a nisi fanau teine i totonu o potu faamasino—Samoa ma Niu Sila foi, i faamata'u e faia e nisi tamā ia i latou, pe a fai ni faiga e soli ai le va tapuia o matua ma fanau.

O le lipoti muamua lea a le ofisa o le Komesina o Sulufaiga ma Aia Tatau, ma o se lipoti ua feauga lona faatu mai ma le tulaga faia'e o sauaga faasaga i tina ma i latou e aafiagofie. Talitonu o le a utagia lelei e le malo le Lipoti, le pati o lana tagavai o le puipua o aia tatau a tagata uma, le pogai na faatu ai.

O le a fa'aauau lenei faasoa i le vaiaaso fou pe a aulia.

"mafauauga o le vaiaaso"

E le o iai se pologa po o se sa'oloto, e le o iai se tane po o se fafine; auā ua tasi outou uma ia Keriso Iesu. *Kalatia 3 f.28*

*Tulimanu o Popa:***Fanau feita, leoleo, LOLs ma le 'au filifilia**

E mua pea le faafetai i lo tatou Tamā oi le lagi, e ui lava ina lofia tatou i faigata o le olaga nei, ae oso pea le la e pei o lea upu. Faamaise atu la tatou puletini i nai a tatou aiga faitau o loo feagai ma faanoanoaga i lenei vaitau.

Ae muamua le tala i le faasea a pule a'oga o Northland ona o le alia'e mai o le amio faalogogata a fanau ta'i 5 tausaga le matutua. E to'atele faia'oga ua faasea i le taufeu ma le taufea'a o nei tamaiti, ua aafia ai le saogalemu o faia'oga ma isi foi tamaiti. E le malamalama pule pe mafua i se a le soona feita o nei fanau matua laiti tele.

O le puipua o fanau a'oga ma le a'oga mai le aufaataluā ua mafua ai se faaiuga a le kolisi o Otahuhu e fai ni leoleo faitoto'a e siakiina i latou e ulufale. E lua ni mea tutupu na tula'i mai, ma tonu ai loa i le a'oga e faia sea gaioiga. E lei mamao atu se vevesi na tupu i totonu o lona lotoa a'oga, a o faia se taaloga a sana 'au lakapi ma se tasi a'oga.

I nei tupulaga o ipads ma LOL ma gagana pupuu ua tele ai foi ma mea fufulu i le sipela ma le kalama. To'atele faia'oga ua tau paso e faavasega upu o tusigatala. E o faatasi mataitusi, numera ma le mau togitogi. E iai le text lea a se tama i lona tina e vave mai e avatu ia: cm ff** im wt s**. Faapea lava le 7 tausaga lea e le iloa e lona tina faitau ana palauvale. O le iuga na mau ai le futi a le loomatua i lona sope. Faapea lava tamaiti ia ua popoto.

Ia ma le tala ua leva ona talia e Niu Sila, poo ai o le a tusi i ai le aao tusitusi o Tupuivao. Tusi sa'o lava ia Naholo, ia e ofo le loto pe a manatu o lenei tama na leai se faamoemoe a o lea ua toe tula'i mai. Ou te le talitonu i se vai faalau'atau, a o le malosia o lona mana'o, ua sola ai le tiga. A o tama sese e pei o SBW e aoga e faafefe ai Egelani tusa pe le ta'alo. A ia talosia faiva o si tatou 'au uli, ae faapea foi si tatou lanumoana. Lelei tatou e lua 'au.

Tala masani. Toe fa'amatala e Logo Silao Lemana

Vaea ma Apaula



Malo lava le faitau tamaiti. O le tatou tala i lenei vaiaso o le tala ia Vaea ma Apaula. Atonu sa e fa'alogu muamua i igoa nei, lenei o le a toe fa'amatala e fa'ai'u ai a tatou tala o Samoa anamua. O la tatou tala mulimuli fo'i lea o lenei kuata, ona toe amata lea o se tala fou pe a toe fo'i mai i le tu'uaga. Ae usi mai loa lau fa'alogu.

Sa nofo i le itumalo o le Vaimauga se tagata malosi e igoa ia Vaea. E ese lava ia mai isi tagata o lona nu'u, aua e fai o le umi ma le lapo'a, a o lona aumalosi. E le gata fo'i i lea a o lona toa, na fefefe ai isi toa ia te ia. Ua aave tala o Vaea i le Vasa Moana, ua o'o ona tala i Fiti i le tupu o Fiti ma ona tagata.

Ona fa'apea atu lea le tala a le Tui Fiti i lana fanau tama, "O mai e o i Samoa e tofotofu pe moni tala i le tagata lenei. Ae o ma ave le tou tuafafine pe aoga i le tou malaga." O le igoa o le teine o Apaula.

I le tasi po masina a o nofonofo Vaea ma mata'i le sami tioata, na ia iloa atu ai le ataata o se va'a e foliga o lo'o aga'i tonu mai. E le i toe fa'atali le alii a ua tu loa i luga ma savali e va'ai. E sa'o lava lana masalo, o se va'a mai Fiti lenei i lona fausaga. Pei uma lava o se va'a o le Tui Fiti, e le iloa po'o ni toa mai Fiti ua o mai e tofotofu lona malosi pe a.

Ua fa'atalitali le tama se'i momoe le auva'a ona fai lea o sana fuafuaga. Ina ua iloa e ia ua momoe i latou uma, ona alu atu ai lea ua si'i le va'a ae sili i luga o uluulū o fau sa taula i ai le va'a.

Na feala a'e le auva'a i le taeao ma le tilotilo atu, o lau o la'au o lo'o si'omia i latou ae le o le sami. Na vave ona latou iloa le mea ua tupu. E leai se tasi na te mafai ona faia lenei mea, ua na o Vaea. O le taimi lava lea na latou lagonaina ai le va'a ua mane'e, e foliga ua si'i e se tasi o lo'o savali ma ave i uta i le matafaga. Ua lagona lo latou fefefe tele. Ua tu'u ifo e Vaea le va'a i

lalo, ona fai atu lea, "Ua ou iloa le mea ua tou o mai ai, tou te fia tofotofu i lo'u malosi. aso lenei e maua ai lo outou i'uga."

"Lau susuga Vaea e le o matou, o lo matou tama na auina mai i matou. Alofa fa'asao lo matou ola, a o le a avatu lo matou tuafafine e fai mau ava. Matou te auauna fo'i ia te oe ma fai so'o se mea e te finagalo ai," o la latou olega lea.

Ua malie le alii o Vaea i le tonu a le auuso mai Fiti. Ua nonofo nei Vaea ma lo latou tuafafine, a o le auuso ua avea ma nisi o le aiga o Vaea.

O Apaula o se tama'ita'i lalelei tele ma ua alofa tele i ai Vaea. Ua fa'apea fo'i Apaula ia Vaea. Peita'i ua le fa'apena le lagona i ona tuagane. E ui ina fai lelei i latou e Vaea, a ua le suia ai lo latou loto tiga i le alii Samoa. Ua latou talotalo i se mea e fa'ataunu'u ai lo latou ita ia te ia.

Ua mavae le tausaga ona to lea o Apaula. Ua talosaga atu fo'i ia Vaea e fia alu i lona aiga i Fiti e ola ai. A ola, ona toe fo'i mai lea ma lana tama ma nonofo mau ai i Samoa.

Ua malie Vaea e tu'u atu lona to'alua e alu. Ua malie fo'i e o ma ona tuagane se'i va'ai o latou matua i Fiti. Na lilo ia Vaea le sese o lana fa'aiuga ua fai.

E le i leva ona te'a ese le malaga ma

Samoa ae fanau Apaula. O le tama lana tama. E le i toe fa'atali le auuso. Na fetagofi atu nei ua titina le pepe ma lafo lona tino i le sami. Na taunuu le malaga i Fiti ma ua taofia ai Apaula. Mo ni tausaga se tele na nofo fa'a-falepuipui ai seia maua le avanoa e sola atu ai i lona to'alua i Samoa

I lona taimi umi sa fa'atali pea Vaea. Ua manatu tele i lona to'alua po'o le a le mea ua tupu ai. Ona ta'oto ifo lea i luga o se mati'e ma autilo i le itulagi pe iloa atu Apaula ua sau. Ua musu e tu i luga, peita'i ua liu ai lona tino e avea ma se mauga, e amata mai i ona vae. E taunu'u mai Apaula ua toe ina liu atoa le alii. Ona fa'atonu lea e Vaea Apaula e alu i Savaii i lona uso o Va'atausili e ta'u i ai le mea ua tupu. Ma alu fo'i e fai se i'uga o le auuso leaga na latou fasioti lona atalii. Ona alu lea o Apaula, ua maua Va'atausili. Ua ta'u i ai le poloa'i a Vaea. Ona alu ai lea o ia i Fiti, ua na fafasi le auuso lenei ma feoti ai.

A o Apaula ua fo'i i Upolu. E maua atu lona to'alua ua liumauga uma. Ona tagi masusu ai lea. O ona loimata na to'uulu fa'avai ifo ma maua ai le vai ua igoa, Loimata o Apaula, i Vailima.

O le mauga o Vaea o le pine fanua lea o lenei tala ta'uta'ua. O le mauga na tupu mai i le tino o le toa logologoa o Vaea. Lea o lo'o lagomau ai le tusitala lauiloa o Stevenson i lona tumutumu.





Sponsored by Evaleon Books

LOUTALA FA'ASOLO SAMOA HISTORY

"Ne'i mea ane na galo"

30 Auk—05 Set

30

1914 Aso Sa. Sisi le fu'a a Peretania i luma o le fale o le malo i Apia. Folafole le pule a Peretania i motu i sisifo o Samoa

1867 Amata le taua i le va o Palauli ma Satupaitea

31

1914 Aso Gafua. Sisi le fu'a a Peretania i luma o le fale o le malo i Vailima. Fa'alo manua *HMS Psyche* i pulufana e 21

01 Setema

1985 Umusa Malumalu Baha'i

1963 Ulua'i taaloga Pasefika i Saute i Fiti

1914 Tuua Samoa e Sulusi; ave faapagota i Niu Sila

1900 Tatala a'oga Atauloma i Tutuila

02

1879 Saini maliega e faatu ai pulega tuto'atasi Apia

03

2011 Venise. Tatala le Tulafale (the Orator) i se faaaliga ata i Venise, Italia

1939 Amata le Taua Lona Lua a le lalolagi. Tapuni falemeli o Siamani

04

2010 Kalaiesetete. Lulu mafuie i Kalaiesetete

1871 Ulua'i meli (tusi) taunuu i Apia. Aumai e le vaa Amerika *Alameda*


05

1997 Tatala le lotoa a'oga Le Papa i Galagala, Iunivesite a Samoa

1888 Tu'i Manono ma Apolima e le manua Siamani *SMS Adler*, nofoia e 'au a Malietoa

Niu Sila: 31 Auk 1974, maliu Norman Kirk. Lalolagi: 1 Set 1939, osofa'i e Siamani Polani; 1951, saini maliega ANZUS va o Amerika, Niu Sila ma Ausetalia; 2 Set 1945, siilima Iapani, ola le taua

Laasia 60 tausaga mau a Bahai i le atu Samoa



Fai mai o se taimi i le 1954 na taunuu ai le tala'iga lotu o le igoa Baha'i i Samoa ma amata lona atina'e. Luasefulu tausaga tuana'i ane ae filifilia Samoa o le tasi nofoaga e fau ai sona malumalu tapua'i mo motu o le Vasa Pasefika. E sefulu tausaga na fausia ai, o le matua o faiva, o Husayn Amanat, mae'a i le 1984, ma tatala aloa'ia ai i lea lava tausaga. Na o le malumalu Baha'i e atagia ai foliga o fausaga faa-Samoa moni, e tu ese mai ai i fausaga faa-Europa o loo faaa'oa'o i ai le tele o malumalu tapua'i a Samoa. O le fale i totonu ma fafo na fausia lava ina ia atagia ai se vaaiga faa-Samoa moni.

E iva matuatala o le fale, o se faatusa o lotu tetele e iva a le lalolagi (Paha'i, Lotu Puta, Kerisiano, Hinitu, Isalama, Ianisi, Iutaia, Sinito ma le Lotu Siki). O lotu nei o loo taialaina le fanau a tagata i le Moni, o le Atua lava lea e to'atasi, e tusa i le taofi Baha'i. E faavae ana mataupu a'oa'o i taofi o le alii Peresia (Iran) o Abdul Baha'u'llah (Pahaula). E talitonu Baha'i e tasi le gafa o le fanau a tagata ma o lona faanaunaga o le aso e tapua'i faatasi uma ai malo ma nuu i le Atua e toatasi i se lalolagi filemu. I le taulaga o Haifa i Isaraelu o iai lona ofisa aoao tutotonu. I le atu Samoa ua na o sina faitau selau lona aofa'iga o suilotu. O se tasi o ana suilotu ta'uta'ua, o le susuga ia Malietoa Tanumafili le Lua, le sa avea ma faaao o Samoa, a o soifua o ia. Na o le 8 malumalu lautogia a le Baha'i i le lalolagi atoa, lea e aofia ai le malumalu i Tiapapata, ma ta'u ai le igoa o Samoa. Website WWW Bahai, Wikipedia

NIUPAC PUBLICATION

Email: evaleon.books@gmail.com
Phone: (09) 269-6186
Postal: PO Box 43122
Mangere Town Centre, AUK 2153

All rights reserved. This bulletin and its content is protected by copyright laws of New Zealand and international conventions. Except for educational purposes, any other activity pertaining to its use is prohibited. OLA understands the rights of other copyright holders whose material we use and acknowledge always—apart from our own.

NIUPAC 2011

Editors:

Levi Tavita ~ ltavita8@gmail.com
Muliagatele V. Fetui ~ v.fetui@auckland.ac.nz
Saili Aukuso ~ saili.niupac@gmail.com

EVALEON BOOKS & NIUPAC PUBLISHING

Telefoni (09) 269-6186. Emeli: evaleon.books@gmail.com



Tautua e ala i le gaosia o alaga'oa mo a'oga (tusi mo le a'oa'oina o le faitau i le gagana Samoa, tusi e a'oa'o ai gagana, kalena, posters, yearbooks, brochures. E tautua fo'i i le fa'aliliuga o gagana, ma le tapenaina o ni tusi e fia lomia i so'o se sionara o fatuga.

Sponsors:

New Zealand
Lottery Commission

Evaleon Books &
Niupac Publishing

Wheeler's Books
(NZ)



Sini Autu: Ia sa'o faaleoga o a'u upu e
e foliga tutusa

Alaga'oa e a'oa'o ai: siata upu
(upu fa'aaoga soo)

Ta'u ta'itasi

1. faia fāiā fā'ia

2. fasi fāsia fāsia

3. gāoi gāoi gāoioi

4. lalo lālō lālō

5. nana nānā nānā

6. tala tālai tālā

Aofa'i o a'u upu na sa'o =

Fale Fauupu:

O meafaigaluega e
lagolago ai galuega
faatino:

O la'u lisi o upu ou te iloa:

O ni fesili:

1. Pe na sa'o lelei le
faaleoga o a'u upu?

2. Pe na sa'o lelei la'u
faaleoga o le vauei
muamua?

3. O a ni isi upu
masani ou te iloa lelei
o latou faaleoga?

UILI FAU UPU

Saili tali o fesili o lo’o i lalo.
Pule oe pe sipela i luma
(clockwise) po’o tua
(anticlockwise).
E sa le feosoosofa’i.

1. Ta’u mai ni soa se tolu
o le faau i le Igilisi:

2. Saili ni fausaga o le
upu aau

3. Su’e le upu faautaga
tusi sona faamatalaga:



4. Tusi uma upu/
fuiupu e ta’i 4-8
mata’itusi, ma o
latou soa i le Igilisi
(E faitau ai ma upu
ta’ua i le 1, 2 & 3)

Lelei atoa = 12 upu
Lelei tele = 8 upu
Lelei = 6 upu

SUDOKU #27 (TAALOGA I NUMERA)

	6	7	4		9		3	
		8		1		4		9
				8			5	
	9			3			6	7
		1	6		8	9		
7	8			9			1	
	3			6				
8		2		4		6		
	7		8		3	5	4	

Fa’atumu
pusa numer
(tama’i
sikuea) i
fuainumera
1 i le 9.
Ia uma ane le
galuega ua
maua atulaina
ta’itasi
(tu, fa’alava)
o iai le 1 i le 9.
E tofu le
atulaina ma
lona
fa’atulagaga
e ese mai le isi.

FAIGOFIE / FEOLLOLO / FAIGATA ©sudokuessentials

PASO I GAGANA E LUA

Faatumu le paso i upu/igoa Samoa. Fill the
crossword box with Samoan words / names
—unless stated otherwise.

1		2		3		4			5	6
								7		
8					9					
				10						
11							12			
						13				
14	15		16		17		18		19	
			20							
21					22					
			23							
24					25					

Faalava~Across

- 1 break of dawn
(4,1,3)
5 root (2)
8 branch (4)
9 grey colour (6)
11 luckily (6)
12 comb (4)
14 be fetched (4)
17 wind (6)
20 Matai title:
Mangere MP (3)
21 complete (4)
22 Appointment,
selection (6)
23 gum (3)
24 ripe (4)
25 string of pu’a (3,3)

7 Matai title:

- Maungakiekie MP (6)
10 may (3)
13 to husk (2)
15 bird (reef heron) (5)
16 tracks (5)
17 us (exclusive, plu) (5)
18 History: boat
early Samoan migrants
came (5)
19 to break (5)



Lalo~Down

- 1 hope that, pray for
(7)
2 hospital (7)
3 loose (size) (2)
4 to choose (4)
6 Cook Islands (3,4)

Tofiga Fepulea’i

1. O ai lana paga i le Laughing
Samoans?
2. O ai isi sog (characters) na
te faata’ita’ia?
3. O fea ni ona aiga i Samoa?
4. O a nisi ana taleni?

POLE MA PAPA



TALI GALUEGA OLA 26

UILI FAU’UPU 26

1. ta’ua—us; ta’ua—
referred to; ta’ua—said
2. tago & fausaga
tagofia, fetagofi, tago-
tago, autago
3. tauamo (veape).
A. Tauave se avega i le
fuataua. O loo tauamo
mai le avega mamafa a le
tamaloa.
E. tauanau. Ua tauamō
lava e le teine le pulou o
si ona tina.

4. taua—value; taua—
importance; taua—war;
tauamo—carry; tauamo—
urge/persuade; amoga—
load/burden; gata—set a
limit; maua—kite; maua—
find; maua—inferred

TALI SUDOKU #26

1	8	9	5	6	4	2	3	7
4	2	7	1	3	8	9	5	6
6	5	3	2	9	7	1	4	8
2	7	6	4	5	1	8	9	3
5	9	8	7	2	3	6	1	4
3	1	4	9	8	6	5	7	2
8	4	2	3	1	9	7	6	5
9	3	5	6	7	2	4	8	1
7	6	1	8	4	5	3	2	9

Albert Wendt

1. Mauaiaivao
2. Sons for the return
home
3. Olamailleoti Farou
Monroe
4. Faleasa Osovae

P	A	T	U	P	A	T	U	M	A
O	A	O	I	M	A	S			
U	A	U	A	A	N	O	A	N	O
L	S	A	A	A	T	I			
I	L	I	L	I	F	I	L	O	
U	L	O	O	O	V	F			
L	U	I	T	A	U	U	A	T	I
I			A	N	E	I	A		
T	E	T	E	A	L	A	F	O	
P	O	A	I	V	I	E			
O	L	O	A	A	M	A	A		

TALI PASO # 25

© PasoSamoa.1988



Tauvaga Tusiga Tala

Ua saunia se tauvaga tusigatala i le gagana Samoa e le tatou puletini. E pule le tagata i lana autu. O ni faata'ita'iga nei:

1. se tala i lou olaga, aiga po o se tasi tagata e te amana'ia.
2. Se tala fatu (fiction) i soo se autu mai ou lava mafaufauga.
3. Se tala i se mea moni na tupu na e aafia ai, pe na faamatala e se tasi ia te oe.
4. Sou taofi i se mataupu taua na e su'esu'eina
5. Se solo saunia lelei soo se autu.

Ulutala: e pule oe

Umi: 250 i le 1500 upu

Gagana e tusi ai: Samoa

Aso e faagata ai: 06 Setema 2015

O ai e tauva: Fanau Aoga: 1. Tulagalua
2. Kolisi
3. Soo se tasi

Faailoga: Ua saunia ni faailoga lelei

Lomia: O tala uma e fia lomina i se tusi

Lafo mai lau tala: evaleon.books@gmail.com;
po o le ltavita8@gmail.com

www.ola888.com

Faupu:

O ni ta'iala e fesoasoani i le faaleoga tonu

FAALEOGA O FONIME

Ua vaevaeina faaleoga o fonime i ni vasega, e iai goa faapitoa nei:

1. polosi E maua le leo pe a poloka pe taofi le 'ea ma toe faamamulu. E aofia i lenei le p, t, k ma le '. O le p e auala i laugutu ua tapuni ma tatala. O le t e auala i le pito o le laulaufaiva e faapipii a'e i tua o tainifo aluga ma faamamulu. O le k ma le ' e auala i le ava o le pusaleo ua mapuni ma toe matala, se'i vagana le k ua fesoasoani i ai le laulaufaiva. Ua ta'u le p, t ma le k o polosi le leoa. Se'i iloga e tutu faatasi ma ni vaueli ona maua lea o ni o latou faaleoga manino.
2. ferika E maua le leo i le 'ea e feula i fafo i se ava fufusi o le gutu po o le fa'ai ua poloka. E aofia i lenei le f, s h ma le v. O le f e auala i laugutu ma nifo e faia le ava. O le s e auala i le pito o le laulaufaiva e toe ina pipii ma le tainifo a lalo. O le h e afua mai totonu o le pusa leo ua ava teisi, a o le v e faapei o le f, ua faamoemoe lona leo i le gaoioiga a laugutu ma nifo. Ua na o le v e lagona lona leo a o isi e lavea uma i le ta'u, o konesane le leoa.

